

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. XXX. Caput 3. de Successionibus ab intestatio.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Observat præterea, quod, si illi Abbates se nullius esse Diœcœsos contendant ex situ, sufficit, ut probent hanc circumstantiam, ad obtinendam manutentionem in omni Jurisdictione Episcopali; fin autem agnoscant, districtum suum includi in Diœcesi, manutenerunt tantum in capitibus, quæ legitimè se præscriptissime probant. Idem argumentum tractat Auctor in cap. 3. de Parochiis, ubi distinguit triplicem modum, aut statum nullius Diœcœsos, scilicet ex Origine, ex Privilegio, ex Præscriptione, eorumque discrimina exponit.

CAPUT XXX.

Caput 3. de Successionibus ab Intestato.

Textus hic loquitur de Oblatis, qui se suaque omnia bona Monasterio donant. Cum inter hos Oblatos nonnulli ingrediantur in Monasterium, atque in ipso ingressu donationem suam faciant, aliunde vero Concilium Tridentinum vetet, ne Novitii de bonis suis disponant, ante peractos decem Novitiatūs sui Menses. cap. 16. Sess. XXV. de Regular. FAGNANUS indè sumit occasionem querendi, an hac dispositio Concilii Juri antiquo deroget, quo licet Oblatis dare bona sua in ipso Monasterii ingressu? Respondebatque negative; quia Novitii, de quibus loquuntur Concilium, multum ab Oblatis discrepant; hi enim non ingrediuntur ad faciendam Professionem, sed ad serviendum Monasterio; alii autem ingrediuntur cum spe facienda Professionis, exercitationes ad eam præparantes, peragunt, sumpto habitu Religioso. Itaque dispositio Concilii Juris communis dispositioni circa Oblatos non adversatur, qui, propriè loquendo, & circa significationem vulgarem verbi, *Novitii*, sub hoc nomine non continentur. Idem dicendum est de casu, quo ii, qui ingressi sunt ad Professionem faciendam, posito quod idonei reperiuntur, consilium mutarent, seque suaque bona Monasterio donarent. Quippe hi Novitii de suis bonis non disponerent, ex Voto sue Professionis futura, itaque comprehendendi non possent sub Decreto Concilii, quod non spectat, nisi Novitios in voluntate Professionis facienda perseverantes.

CAPUT XXXI.

Caput 12. de Regularibus.

Hic docet CLEMENS III. Parentes posse offerre Deo Filios suos infra pubertatem, cosque Monastico habitu induere, quem gestare usque ad candem ætatem saltē tenebantur. Quærit circa hoc FAGNANUS, i. An Parentes eamdem potestate habeant post Concilium Tridentinum, quod vetuit admitti quemquam ad Professionem ante completos 16. annos, & annum probationis cap. 15. Sess. XXV. de Regular. Dubitandi ratio est, quia sic Concilium insinuat, Religiosum habitum dandum non esse, nisi post quindecim annos inchoatos; nihilominus Autor meritò contendit, Parentes etiamnū posse curare, ut Filialibus suis Religiosus habitus detur, ante ætatem duodenam, ut Moniales fiant, si consenserint, cum ætatem à Concilio requistam attigerint.

Et, postquam id probavit ex principio, quod emendatio juris una sit è rebus, quæ locum non habent, nisi in casibus expressis, Concilium autem nullibet Canones, qui facultatem hanc Parentibus tribuebant, unde credendum est, jus illud subsistere; id probat denuo per caput 17. Sess. XXV. de Regular. ubi Concilium significat, esse puellas, quæ Religiosum habitum accipere possunt ante annos duodecim, dum vetat, ne detur eis, quæ duodecim annos compleverunt absque examine Episcopi, qui judicabit, an sponte illum accipiant, rationemque afferens,

cur Concilium non exigat examen erga puellas illi ætati inferiores, dicit i. illud iis prodesse non posse. 2. Aliam eas voluntatem non habere, quam Parentum, qui eas ideò etiam invitatis Monasterio includere valent, usque ad annos discretionis. Id etiam probat per caput 18. ibid. quod, vetans ullam pueram aut mulierem ad accipendum habitum cogi, casus excipit, in quibus id expresse permittitur; undè sic ratiocinatur, Concilium plures casus excipit, quos in jure expressos dicit, alii autem non reperiuntur, quam is in quo puella Votum Religionis emisit, & ille, in quo à Parentibus aut Tutoribus offertur; nullibi enim videtur, Canones permittere, ut personæ Sæculares Monasteriis ad faciendam pœnitentiam inclusæ, cogantur ad sumendum habitum, in modo neque etiam appetat, eos permittere, ejusmodi personas dominibus Religiosis invitatis includi.

Objici posset adversus hoc ultimum momentum, finis cap. 18. laudati, qui ab hoc capite *Conversas* excipit, erga quas vult, ut eorum Constitutiones serventur. Sed dici potest, exceptionem hanc ad rem non pertinere, quia posterior est iis, quas jam fecerant Canones anteriores. Præterea, haec mulieres non solum ab hoc capite excipiuntur, sed etiam à præcedentibus sumptionem habitus, Novitatum & Professionem spectantibus. FAGNANUS in cap. 16. de Regular. n. 29. & seq.

Quæstioni, cuius summam exhibuimus, duas FAGNANUS subiectit. 1. est, An Parentes & Tutores possint in Religionem mittere pueros infra annos 14? & respondet, posse; idque probat ex paritate rationis, cum puerorum hac in re conditio melior non sit, quam puellarum. Id etiam probat ex cap. ultim. de tempor. ordin. in 6. quod vetans Tonsuram dari pueris infra sex annos constitutis, excipit eos, qui Religionem ingrediuntur. Ultima quæstio est, an expediatis puberes in Religionem mitti, habitumque accipere? Circa hanc prolixè disputat: rationes atque autoritates in utramque partem afferendo, & demum decisionem dimitit ad viros in vita Religiosa expertos.

CAPUT XXXII.

Caput 15. de Renunciationibus.

GREGORIUS IX. hic declarat nullam, demissio nem Abbatis sua Sedi immediati sine sua autoritate admissam. Cum per demissionem solvatur vinculum non spernendum, ideoque admitti nequeat, nisi auctoritate Superioris; sicut etiam in transitu ab una Religione in aliam, rumpitur vinculum insigne; ideoque, ad id concurregere debeat auctoritas Superioris. FAGNANUS hac occasione utitur ad loquendum de auctoritate, quia Religiosus a sua Religione ad aliam transfiguratur potest; & consequenter ad exponentem finem Cap. 19. Sess. XXV. de Regular. Ibi, præ ceteris rebus, prohibetur, ne quispiam transferatur cuiuscumque facultatis vigore. In hac expositione, refutatis iis, qui putant Concilium ibi duntaxat vetare translationes justa causa defitutas, aut non juridicas, probat ibi etiam agi de translationibus in justa causa fundatis, ut patet ex verbis generalibus *nemo*, & *cujuscumque*, quibus Concilium utitur, atque ex hoc *vigore*; tum observat, quod, si Concilium de translationibus duntaxat justa causa parentibus egisset, adhibuisset verbum *colore* aut *prætextu*: denique, contendit, Concilium prohibere translationes, quæ siebant ex vi privilegii, aut aliis cuiuscumque Juris, quod Superiores Sæculares exercabant.

CAPUT XXXIII.

Caput 12. de Judiciis.

Hic docet INNOCENTIUS III. interpretationem privilegiorum Sedis Apostolicæ ad Pontificem pertinere: proindeque ipsius esse munus judicandi